

ԱՐԽԻՎԱԿԱՆ ՆՈՒՅՆԵՐ

ԶԵՐՆԻՇԵՎԱԿՈՒ «ՃԱՆԱՊԱՐՀՈՐԴՈՒԹՅՈՒՆ»-Ը

Ձկալովի մարդային արխիվում պահվող ուրիշ շատ հետաքրքրական նյութերի մեջ հատուկ արժեք են ներկայացնում Չերնիշևսկու վերաբերյալ ութ փաստաթղթերը: Այս ութ փաստաթղթերը, որոնց լրիվ թարգմանությունը տալիս ենք ստորև, կադավել են 1883 թվականի օգոստոսի 22-ից (հ. տ.) մինչև նույն տարվա նոյեմբերի 10-ը:

Հայտնի է, որ ողես միապետությունը երեք տասնյակ տարիներ անողորմար հետապնդել է Չերնիշևսկուն, պահելով նրան բանտերում, էտապային կայաններում և սիրիյան ժանտ տաժանակրություն ու աքսորի մեջ: Ահավասիկ հիշյալ փաստաթղթերը սպանիչ կերպով պարզում են մի մասը այն եղանակների, որոնց դիմել է ցարական ինքնակալությունը Չերնիշևսկուն 1883 թվականի աշնանը Սիրիի Վիլյույսկ կոչված բանտից հաշտարիան տեղափոխելիս:

№ 1 փաստաթղթում ընթերցողը կնկատի կարևոր մի հանգամանք— Չերնիշևսկու բացառիկ ժողովրդականությունն ու այստեղից բխող՝ միապետականների երկյուղը: Ոստիկանության ղեկարտամենտի ղիրեկտոր Վ. Պլենն Օրենբուրգի նահանգապետի ուշադրությունն է հրավիրում այն հանգամանքի վրա, որ չլինի թե Չերնիշևսկու ճանապարհորդությունը հայանի դառնա ժողովրդին—դա պետք է մեա որպես ամենախիստ գաղտնիք: Երկրորդ՝ Պլեննի ասելով՝ ցարը հատուկ կարգադրություն է արել, որ շերա [2] ռնիշևսկու Ս. Ս.] ուղևորության ընթացքում որեէ օվացիա չարվի նրան:

Այս երկու հիմնական նպատակներին հասնելու համար Պլենն հրամայում է Օրենբուրգի նահանգապետին՝ Չերնիշևսկուն ուղարկել, «МНУЯ ВОДНЫЕ ПУТИ» (սմի կողմ թողնելով ջրային ճանապարհները) և ձեռք առնել բոլոր միջոցները՝ ի կատար ածելու քարաձրագույն կամքը, որպեսզի նրա անցման մասին լուրեր չտարածվեն և ճանապարհորդության ժամանակ որեէ անկարգություն չլինի:

Ինքնին հասկանալի է «МНУЯ ВОДНЫЕ ПУТИ» դարձվածքի իմաստը: Վի վրա շատ ավելի հեշտ կիմացվեր պետական հանցավոր Չերնիշևսկու մասին, քան թե ցամաքային ճանապարհներին—երկաթուղային գնացքում, ուր հատուկ մեկուսի-վագոններ կամ կուպեններ կային: Ինչպես և շուտով մենակ ընթացող կառքում և այլն:

Ենք գիտենք, որ 1883 թվականի օգոստոսի 22-ին (սեպտ. 4) Չերնիշևսկին աղատվում է Վիլյույսկի բանտից և ժանդարմների հսկողությամբ ուղարկվում Իրկուտսկ: Այստեղից ղեկի Եվրոպական Ռուսաստան նրան տանում են ոստիկանական ձիաքարչ սայլակով: Մոտ երկու ամսվա ընթացքում Չերնիշևսկին կտրում է ավելի քան 4.000 վերսա տարածություն, յն ևս՝ աշնանային դժվարին ճանապարհներով:

Պլեվեի գրությունն ստանալուն պես նահանգապետ Աստաֆյեվը 1883 թվի սեպտեմբերի 8 (20)-ին նամակով դիմում է Օրենբուրգի նահանգական ժանդարմական վարչության պետին, առաջարկելով նրան անձամբ ներկայանալ իրեն (փաստաթուղթ № ~): Թե ինչ են խոսել նրանք, օր առաջ ինչ միջոցներ նախապատրաստել Չերնիշևսկուն ընդունելու և Հաշտարիան ուղարկելու վերաբերյալ,— դա մասամբ պարզվում է հետագա փաստաթղթերից:

Անցնում է ավելի քան մի ամիս: Այս ժամանակամիջոցում Չերնիշևսկին կտրել էր իր ճանապարհի կեսը և մոտենում էր Օրենբուրգին: Նահանգապետ Աստաֆյեվը, ստանալով լրացուցիչ ցուցումներ այն մարչրուտի մասին, որով Չերնիշևսկին պիտի ընթանար Օրենբուրգ հասնելուց հետո, 1883 թ. հոկտ. 8 (20)-ին ժանդարմական վարչությանն է ուղարկում այդ մարչրուտը և մի կարգադրություն: Նահանգապետը հրամայում է. «Սույն դրությունն ստանալուն պես... ժանդարմական երկու ունտեր-օֆիցեր նշանակել, որպեսզի նրանք Չերնիշևսկու տեղ հասնելուց հետո նրան ընդունեն այն պահանքներից, որոնք ուղեկցում են իրկուտսկ քաղաքից... որպեսզի նրանք, ի կատարումն բարձրագույն կամքի, ձեռք առնեն բոլոր միջոցները՝ Չերնիշևսկու անցման լուրը չտարածելու և, ընդ նմին, որևէ անկարգություն թույլ չտալու համար» (փաստաթուղթ № 3):

Արխիվում հայտարարված «հաշվետվությունից» երևում է, որ «կգրում որոշված է եղել Չերնիշևսկուն Օրենբուրգից մինչև Սիգրան տանել երկաթուղով (3-րդ կարգի վագոնով), իսկ Սիգրանից Հաշտարիան՝ ձիերով, փոստային ճանապարհներով—1058 վերստ»:

1883 թ. հոկտեմբերի 13 (25)-ին, այսինքն՝ Չերնիշևսկու Օրենբուրգ հասնելուց մի քանի օր առաջ, ոստիկանության ղեկարտամենտի ղեկավար Պլեևն մի նոր ծածկագիր հեռագրով Պետերբուրգից հրամայում է Օրենբուրգի նահանգապետին... «պետական հանցավոր Չերնիշևսկուն Օրենբուրգից Սիգրան ուղարկել երկրորդ կարգի վագոնի հատուկ կուպեով և, բացի դրանից՝ ի կանխումն որևէ պատահականության և կողմնակի անձանց հետ չփվելու հնարավորության, գործուղել ժանդարմական մի ունտեր-օֆիցեր՝ Օրենբուրգի կայարանից մինչև Սիգրան [Չերնիշևսկուն, Ս. Ս.] ուղեկցելու համար» (փաստաթուղթ № 5): Իսկ քոնի որ Պետերբուրգում ինչ-ինչ

¹ Եթե մենք փոքր ինչ ուշադիր ըննության առնենք այդ հաշվետվությունը (փաստաթուղթ № 4), ապա կտեսնենք, որ ցարական կառավարությունը Չերնիշևսկուն հատկացրած է եղել օրական 15 կոպեկ ճանապարհածախս: Իսկ թե ինչ ոեալ արժեք է ունեցել այդ 15 կոպեկը, դա որոշ երեսում է 2 կալովի մարզային արխիվի մի այլ «Գործից», ուր հիշատակություն կա այն մասին. «Թե ինչ գնով պետք է Օրենբուրգ քաղաքում ծախվի հացը, միսը և այլ մթերքներ 1883 թ. սեպտեմբեր ամսին»: Պարզվում է, որ խոզի միսը ծախելիս են եղել ֆունտը 20 կ., հորթինը՝ 13—15 կ., իսկ սպիտակ հացի ֆունտը՝ 7½—8 կոպ.: Ուրեմն, ամբողջ օրվա համար հատկացված 15 կոպեկը կարող էր բավականացնել սոսկ այնքան, որ կայանավորը չմեռնի սովից...

Օրապահիկի համար հատկացված այդ նույն ողորմելի 15 կոպեկը մենք տեսնում ենք նաև Չերնիշևսկու մի այլ ճանապարհորդության ժամանակ—1884 թվականի ամառվա սկզբին Միքիլ ուղարկվելիս: Տարուկից մինչև իրկուտսկ 80½ օրվա համար որպես ճանապարհածախս պետական գանձաանից նրան հատկացվում է 9 ուրլի 7½ կոպեկ=15 կոպ. օրական, մինչդեռ նրան ուղեկցող ժանդարմները նույն ժամանակամիջոցում ստացել են 120 ուրլի 47 կոպեկ օրապահիկ:

նկատառումներով որոշած են եղել Զերնիշևսկուն ուղարկել երկրորդ կարգի վագոնով, ուստի նահանգապետ Աստաֆյեվը հատկացնում է լրացուցիչ 45 ռուբլի՝ այդ ծախսերի համար:

Վերջապես, 1883 թ. հոկտեմբերի 19 (31)-ին, այսինքն՝ Վիլյուսկից մեկնելուց 56 օր հետո, Զերնիշևսկին հասնում է Օրենբուրգ—կալանավորի շորերով, պահակցող երկու ժանդարմների մշտական ու ակնդետ հսկողութան տակ, որոնք, նրանից անրաժան, հսկելիս են հղել նրա ամեն մի քայլին: Կասկած չկա, որ նահանգապետ Աստաֆյեվը հենց նրան՝ Զերնիշևսկուն նկատի ունի իր կարդադրությունների մեջ և նրա մասին է խոսում, չնչնելով անունն անդամ, երբ գրում է՝ «հայտնի անձնավորությունը»:

Ինքը՝ Զերնիշևսկին շատ թեթևակի է հիշում Օրենբուրգ հասնելու մասին: Նրա ձեռքով կտրված է մի գրություն—«Записки по поводу питевых издержек» վերնադրով: Այս փաստաթղթից մենք տեղեկանում ենք, որ Զերնիշևսկին Օրենբուրգ է հասնում այն միակ տարամտածով, որով նա դուրս էր եկել Բրկուտսկից:

Օրենբուրգից նրան տանում են երկաթուղով և հոկտեմբերի 23-ին (նոյեմբերի 4) նա հասնում է Սարատով (փաստաթուղթ № 7): Ո՛վ գիտե, թե ի՞նչ հույզերով է նա մոտենում իր հայրենի քաղաքի սահմաններին, կարոտի ի՞նչ ալիքներ են բախում նրա մեծ սիրտը: Սակայն այստեղի դադարն այնքան կարճատև է լինում, որ Զերնիշևսկին հազիվ կարողանում է թեթևակիորեն տեսնվել իր կնոջ՝ Օլգա Սոկրատովնայի և մոտ բարեկամուհու՝ Վ. Ն. Պիպինայի հետ: Անկատար է մնում նրա բուռն իղձը՝ իր երախտագիտությունը հայտնել բարի Պիպին ծերունիներին, որոնք այնպես հոգատար են եղել իր ընտանիքի նկատմամբ: Պիպինները նույնպես ապրում էին Սարատովում:

Անհավանական չէ, որ մասնավորապես Սարատով քաղաքում դիտմամբ կարճատև լինել տարագիր աքսորականի դադարը—Զերնիշևսկուն զրկելու իր հարազատների հետ աեսնվելու հնարավորությունից: Ճարի երկյուղը՝ թե ժողովուրդը ճամբին օվացիաներ կսարքի նրա մեծ ու բացառիկ հեղինակությանը՝ ամենից ավելի հնարավոր էր Զերնիշևսկու հայրենի քաղաքում... Անկտի դրանից, չպետք է մոռանալ և այն, որ համարյա ամբողջ ճանապարհին արտակարգ արագությամբ է սլացել Զերնիշևսկու տարանտասը: Որոշ ուղեմասերում նրանք ընթացել են առանց որևէ դադարի և կամ գիշերելու, եթե չհաշվենք այն կարճատև հատումները, երբ անհրաժեշտություն է եղել ձիերը փոխել—ոչ ավելին:

Վերջապես 1883 թ. հոկտեմբերի 28-ին (նոյեմբերի 9) Զերնիշևսկին հասնում է Հաշտարխան: Այստեղից իր բարեկամ Ալ. Նիկ. Պիպինին՝ դրած առաջին նամակում՝ հազիվ երկու տող կա այդ մասին:

«Սիրելի եղբայր, երեկ առավոտ տեղս հասա փոստային սայլակով: Մենք կազմեցինք Զերնիշևսկու «ճանապարհորդության» սխեմատիկ

1 Н. Г. Литературное наследие, т. III, Письма, стр. 5 (Москва, 1930 г.):

2 Պիպին, Ալ. Նիկ. (1833—1904), գիտնական, հրապարակաբու, պրոֆեսոր, ապա և ակադեմիկոս ուսուցչ պատմության և սլավոնական գրականությունների, «Современник»-ի աշխատակից, երկար տարիներ մասնակցել է «Вестник Европы» պարբերականին: Այս անշահախնդիր մարդն — առաջինը, արտոբական Զերնիշևսկու ընտանիքը, կրթութուն ավել նրա որդիներին, հրատարակել նրա մի շարք գրական գործերը:

նկարագիրը, կարծում ենք, որ հայ ընթերցողի համար հետաքրքրութիւն
կենեկայացնի հիշված ութ փաստաթղթերի թարգմանութիւնը:

ՍԱՔՈ ՍՈՒՔԻԱՍՅԱՆ

Միանգամայն զայտնի

Ոստիկանական Դեպարտամենտի
րիբեկտոր
№ 3412

1883 թ. օգոստոսի 29

Նորին Գերադանցութիւն
Մ. Ա. Աստաֆեյեւին՝

Ողորմած Տեր Միխայիլ Իվանովիչ.

Պետական հանցավոր Նիկոլայ Չերնիշևսկու որդիների միջնորդութիւնը՝ նրանց հորը հայրենիք վերադարձնելու մասին՝ Ներքին Դործերի Մինիստրի դեկուցումին՝ այդ առթիւ, Թագավոր կայսրը բարեհաճեց նախնական թույլտվութիւն՝ Չերնիշևսկուն Աստրախան տեղափոխելու մասին, պայմանով, որ նրա ուղևորութեան ընթացքում որևէ օվաքիա չարվի նրան, — Բարձրագույնս հրամայել բարեհաճեց Արդարադատութեան պ. Մինիստրին, այս հարցի վերաբերյալ վերջնական զեկուցում անելու համար, Դրանից հետո նույն այդ միջնորդութեան առթիւ Արդարադատութեան պ. Մինիստրի ամենահպատակորեն ներկայացրած զեկուցման հետևանքով Թագավոր կայսրը հուլիսի 6-ի օրը Բարձրագույնս հրամայել բարեհաճեց. թույլատրելով Նիկոլայ Չերնիշևսկուն փոխել իր բնակավայրը Աստրախան՝ ոստիկանութեան հսկողութեան տակ, նրան ճանաչել — կայքի բոլոր իրավունքներից զրկելու փոխարեն — պատժական Օրինագրքի 43 հոդվածով զրկված՝ բոլոր, մանավանդ անձնական և ըստ կայքի ստացած իրավունքներից և արտոնութիւններից.՝ սակայն առանց կայքի իրավունքները վերականգնելու:

Այսպիսի Բարձրագույն կամքի մասին հայտնված էր՝ պետք եղած կարգադրութիւնների համար՝ Չերնիշևսկուն ըստ նշանակման ուղարկելու վերաբերյալ — Արևելյան Սիբիրի գեներալ նահանգապետին:

Այժմ գեներալ-ադյուտանտ... հայտնում է, որ ինքը կարգադրութիւն է արել անհապաղ Չերնիշևսկուն Իրկուտսկի նահանգի Վիլյույսկ քաղաքից Իրկուտսկ բերելու մասին, ըստ որում հետո ենթադրվում է նրան ուղարկել երկու ժանդարմների հսկողութեամբ բաց քերթով («открытым листом») մինչև Օրենբուրգ, առանց պատշաճ իշխանութիւններին զգուշացնելու՝ ի խուսափումիս լուրր տարածվելուց:

Նկատի ունենալով վերոգրյալը, ինչպես նաև այն հանգամանքը, որ պահակային ժանդարմները գործուղված են եղել Իրկուտսկից մինչև Օրենբուրգ, պատիւ ունեմ խոնարհաբար խնդրելու Ձերդ Գերադանցութեանը, —

՝ Օրենբուրգի նահանգապետ և կազակական դորքի առաջան 1878—1884 թ.թ.

Չերնիշևսկու Օրենբուրգ հասնելուն պես Նահանգական ժանդարմական վարչության համաձայնությունյամբ տեղական երկու ժանդարմներ գործուղել, փոխարինելու Իրկուտսկից Չերնիշևսկուն ուղեկցողներին և նոր նշանակվածների հսկողությամբ Չերնիշևսկուն տանել նշված վայրը, մի կողմ թողնելով ջրային ճանապարհները և ի կատարումն Բարձրագույն կամքի, ձեռք առնել բոլոր միջոցները՝ թույլ չտալու, որ Չերնիշևսկու անցումը իմացվի և ընդ այդմ ուղեորության որևէ անկարգություն լինի:

Ընդունեցեք, Ողորմած Տեր, իմ կատարյալ հարգանքի և նվիրվածության հավաստիքը:

Վ. Պլեվն

Իսկականի հետ ճիշտ է. Օրենբուրգի Նահանգ. ժանդարմ. վարչության ադյուտանտ պորուչիկ

(ստորագր.)

№ 2

№ 355

3412 նամակը անձամբ հանձնված է

պ. Նահանգապետին

պորուչիկ՝

8 սեպտեմբերի

(ստորագր.)

Օրենբուրգի նահանգապետ գեներալ-լեյտենանտ Աստաֆյևը վկայելով իր կատարյալ հարգանքը Նորին Բարձր-բարեձնդությանը՝ Օրենբուրգի նահանգական ժանդարմական վարչության պետի պաշտոնակատար պ.-ին և ընդ սմին ուղարկելով Ոստիկանության Դեպարտամենտի Դիրեկտորի նամակը՝ կարդալու համար, — խոնարհաբար խնդրում է շնորհ բերել վաղը սեպտեմբերի 9-ին առավոտյան 9¹ ժամին:

№ 17

8 սեպտեմբերի 1883 թ.

№ 3

№ 399

Ներքին գործերի Մինիստրություն

Օրենբուրգի Նահանգական

Օրենբուրգի Նահանգապետի Գրասենյակի

ժանդարմական վարչության

Պ Ե տ

պարոն պետին

8 հոկտեմբերի 1883 թ.

№ 377

Օրենբուրգ ք.

Չերգ Բարեձնդության արված անձնական բացատրություններից հայտնի է, որ պետական հանցավոր Նիկոլայ Չերնիշևսկին, համաձայն Բարձրագույնս Հրամանի, ուղիղ պետք է ուղարկվի իրեն նշված վայրը՝ Աստրախան ք. ոստիկանության հսկողության տակ՝ տեղական երկու ժանդարմների պահակցությամբ:

Սրա հետևանքով ես կարևոր եմ համարում այժմ եեթ ուղարկել Չերգ Բարեձնդությանը. ա) այն մարշրուտը, որով պետք է ընթանա Չերնիշևսկին մինչև Աստրախան ք., համաձայն Ոստիկանության Դեպարտամենտի Դիրեկտորի այս առթիվ արված հատուկ ցուցումների. բ) դրամը քառա-

սուն և վեց ուլլի, որ հասնում է իրրե ճամբի ծախս, և գ) մի զրքույկ՝ այս դրամից արվելիք ծախսերը գրանցելու:

Պոնարհարար խնդրում եմ Ձերդ Բարեծննդությանը սույն գրությունն ստանալուն պես ժանդարմական երկու ունտեր-օֆիցեր նշանակելու մասին, որպեսզի նրանք՝ 1-ին, Ձերնիշնակու տեղ հասնելուց հետո նրան ընդունեն այն պահանջներից, որոնք կուղեկցեն իրկուտակ քաղաքից. 2-րդ, որպեսզի ճանապարհին՝ ի կաաարումն Բարձրագույն Կամքի՝ ձեռք առնեն բոլոր միջոցները՝ Ձերնիշնակու անցման լուրը չտարածելու և դրա հետ մեկտեղ որևէ անկարողություն թույլ չտալու համար. 3-րդ, որպեսզի Աստրախան հասնելուց հետո նրան հանձնեն Աստրախանի նահանգապետի Գրասենյակը այն ծրարի հետ միասին, որ Ձեզ կուղարկվի առանձին, և 4-րդ, որպեսզի Օրենբուրգ վերադառնալուց հետո գրամական ծախսերի դրքույկը ներկայացվի իմ դրասենյակին, մնացորդով հանդերձ, եթե այդպիսին լինի:

Անկախ սրանից՝ ես իմ պարտքն եմ համարում ավելացնել, որ բացի ներկայացվող դրամից՝ քառասուն վեց ուլլի—Ձերնիշնակուն տեղափոխելիս ճամբու ծախս, ես առաջարկել եմ նահանգական պանձատնից բաց թողնել նորից յոթ ուլլի՝ ճանապարհին չնախատեսված պետքերի համար և որ այդ դրամը գանձատնից ստացվելուն պես կհանձնվի Ձերդ Բարեծննդությանը: Քառասուն վեց ուլլի դրամն ստանալու մասին չզլանաք տեղյակ պահել:

Նահանգապետ՝ Մ. Աստաֆյեվ
Գրասենյակի կառավարիչ՝
(ստորագր.)

№ 4

Հ Ա Շ Ի Վ

Դրամի, որ բաց էր թողնված Օրենբուրգ քաղաքից մինչև Աստրախան քաղաք ուղարկելու համար

ա) Օրենբուրգ քաղաքից մինչև Միդրան մի տոմսի վճար երկաթուղու երրորդ կարգով—7 ո. 30 կ.:

բ) Միդրան քաղաքից մինչև Աստրախան փոստային ճամբով 1058 վերստի համար ուղեդրամ—32 ո. 17¹/₂ կ.:

գ) Մննդի ծախս Օրենբուրգ քաղաքից մինչև Միդրան երկու օրվա համար, օրական հաշված 300 վերստ—30 կ. և

դ) Մննդի ծախս Միդրան քաղաքից մինչև Աստրախան 1072 վերստի համար, հաշվելով 50-ական վերստ՝ օր ու գիշերվա ընթացքում—3 ո. 30 կ.

43 ո. 7¹/₂ կ.

Բացի քառասուներեք ո. 7¹/₂ կ., որ բաշխված է այս հաշվարկով, սրա հետ առանձին ուղարկվում է 2 ո. 92¹/₂ կ. արտակարգ ծախսերի համար, իսկ ընդամենը քառասունվեց ուլլի:

Օրենբուրգի նահանգապետի
գրասենյակի վարիչ՝
(ստորագր.)

№ 5

№ 412

Ներքին Գործերի Մինիստրութիւն.

Օրենքադրութի Նախագի

Գրասենյակի Պետ

13 հոկտեմբերի 1883 թ.

№ 389

Օրենքադրութի.

Միացաւայն գաղտնի

Օրենքադրութի Ժանդարմական Վարչութիւն պարոն Պետին

Ոստիկանութիւն Գեպարտամենտի Գիրկատորը ծածկագիր հեռագրով խնդրում է Օրենքադրութի Սիդրան քաղաք ուղարկել պետական հանցավոր Զերնիշկուսի երկրորդ կարգի վագոնի հատուկ կուպեով և, բացի դրանից, ի կանխումս որևէ պատահականութիւն և կողմնակի անձանց հետ չփոխելու հնարավորութիւն, գործուղել Ժանդարմական մի ունտեր-օֆիցեր՝ Օրենքադրութի կայարանից մինչև Սիդրան ուղեկցելու համար: Սիդրան հասնելուն պես Ժանդարմները՝ հրամաններ ստանալու համար պետք է ներկայանան կապիտան ...ին, որը նախազգուշացված է հեռագրով:

Սրա հիման վրա ես առաջարկել եմ անձամբ կապիտան ...ին կարգադրելու, որ նախօրոք մի Ժանդարմ նշանակի՝ Զերնիշկուսի մինչև Սիդրան ք. ուղեկցելու համար, սակայն, անկախ սրանից, պարտք եմ համարում վերոգրյալի մասին հայտնել Զերդ Բարեմնդութիւնը ի լրացումս հոկտեմբերին ... գրութիւն և նկատի ունենալով ճանապարհածախսի հավելումը— Զերնիշկուսի մինչև Սիդրան ք. երկրորդ կարգի վագոնի հատուկ կուպեով տեղափոխելու— պատիւ ունեմ Զեզ հասցնել Օրենքադրութի նախագական գանձատնից ավանսով պահանջված քառասունհինգ ռուբլին, խոնարհաբար խնդրելով սույն դրամն ստանալու մասին ինձ տեղեկացնել:

Նախագապետ՝ Մ. Աստաֆյեւ

Գրասենյակի կառավարիչ՝

(ստորագր.)

№ 6

Միացաւայն գաղտնի

Օրենքադրութի Նախագական Ժանդարմական Վարչութիւն պետին

Ողորմած Տեր

Վլադիմիր Ալեքսանդրովիչ

Համաձայն [մեր, Ս. Ս.] անձնական բացատրութիւնների, խոնարհաբար խնդրում եմ կարգադրեք, որ անհապաղ ինձ մոտ ուղարկեն երկու Ժանդարմական ունտեր-օֆիցերներ, որոնց Դուք նախանշանակել եք հայտնի անձնավորութիւնը մինչև Աստրախան ք. ուղեկցելու, ըստ որում չմոռանաք հրամայել Ժանդարմներին— հիշյալ անձնավորութիւնն ընդունել այն պահանջողներին, որոնք նրան ուղեկցում են Իրկուտսկ քաղաքից:

Անկախ սրանից՝ չմերժեք այսօր ժամի 12-ին բարեհաճել ինձ մոտ՝ վերջնական բացատրութիւնների համար՝ այդ անձնավորութիւնը նախազգուշական ընդունելու միջոցներով ուղարկելու վերաբերյալ:

Տեղեկագիր 7—7

Քոնստանդնուպոլսի խնդրում եմ ընդունել իմ՝ առ Ձեզ տաժած կոտարյալ հարգանաց և նվիրվածության հավաստիքը՝

Մ. Աստաֆյեվ

19 հոկտեմբերի 1883 թ.

№ 7

Գ Ա Ղ Տ Ն Ի

Սարատովի

ժանդարմական Նահանգական

Վարչության պետ

24 հոկտեմբերի 1883 թ.

№ 1240

Սարատով ք.

29 հոկտ.

Ձեզ վստահված Վարչության երկու ունտեր-օֆիցերները, որոնք ուղեկցում էին Ձեզ հայտնի անձնավորությանը, բարեհաջող անցան Սարատովից դեպի Աստրախան։

Գնդապետ

(ստորագր.)

Օրենբուրգի Նաեանգական ժանդարմական Վարչության պարոն պետին

№ 8

Գ Ա Ղ Տ Ն Ի

№ 293

10 նոյեմբերի 1883 թ.

Օրենբուրգ ք.

Օրենբուրգի Նահանգապետին

Ընդ սմին Ձերդ Գերագանցությանն ուղարկելով Աստրախանի ոստիկանապետի հոկտեմբերի 27-ի № 3917 անդորրագիրը առ այն, որ ինձ վստահված վարչության ժանդարմական երկու ունտեր-օֆիցերները Օրենբուրգից Աստրախան են ուղեկցել պետական հանցավոր Չերնիշևսկուն, № 1883 վկայականը, տրված Ձեր Գերագանցության կողմից ժանդարմական ունտեր-օֆիցերներին... դեպի Աստրախան նրանց անարգել անցման համար, ելից-մտից տետրը այն դրամի, որ բաց էր թողնված կալանավորի ուղեծախսի և սննդի համար և ծախսից մնացած դրամը քսանհինգ ռուբլի իննսունյոթ ու երեք քառորդ կոպեկ (25 ռ. 97³/₄ կոպ.), — պատիվ ունեմ խոնարհաբար խնդրել դրամը ե հավելվածներն՝ ստանալու մասին ինձ չթողնել առանց տեղեկության։

Ստորագրեց՝ Վարչության պետ

գնդապետ (ստորագր.)

Ճիշտ է՝ Վարչության ադյուտանտ պորուչիկ (ստորագր.)

1 Գործի մեջ այս հավելվածները չկան։